

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqqut imaattoq saqqummiuppara:

Naalackersuisunut apeqqut:

1. **Suna tunngavigineqarsimava innarluutillit ulluunerani ornittakkani, sanaluttarfinni imaluunniit suliffinni illersugaasuni sulinerminni tiimimut 15 kr.-inik akissarsiaqartarnissaannut ?**
2. **Innarluutillit peqatigiiffii annertuumik innarluutillit ikiorserneqartarnerat pillugu Namminersorlutik Oqartussat nalunaarutaat nr. 8, 25. Junii 2014-imeersumut qanoq isumaqarpat ?**
3. **Annertuumik innarluutillit qassit suliffimmik ingerlatsinersut Naalackersuisut ilisimasaqarfigaat aammalu Namminersorlutik Oqartussat kommunillu ukiumut tiimimusiatic taakkunanga qanoq annertutigisumik aningaasartuuteqartarpat ?**
4. **Tiimimusiatic 15 kr.-imiit 20 kr.-mut, 25 kr.-mut imaluunniit 30 kr.-mut qaffanneqarpata aningaasatigut ukiumoortumik kingunissai Naalackersuisut akisinnaavaat ?**
5. **Naalackersuisut UPA2017-imut annertuumik innarluutillit pillugit inatsisassatut siunnersuummik saqqummiussisoqarpat inatsisissatut siunnersuummi tiimimusiatic nalimmassarnissaa qulakkeerniarpaat, taamaassappat qanoq ?**
6. **Naalackersuisut tiimimusiatic inatsitigut nalimmassarneqarnissaanik naalackersuinikkut anguniagaqanngippata nalunaarutikkut tiimimusiatic angissusilerneqarnissaa suli kissaatigissavaat ?**
7. **Inatsisartut innarluutilinnut inatsisissami Naalackersuisut tiimimusiatic nalunaarutikkut aalajangersarneqarnissaanik suli, annerusumik nassuiaatitaqanngitsumik, piginnaatitsippata Naalackersuisut tiimimusiatic qaffaanissaq aammalu nalimmassaajuarnissaq ingerlatiinnassavaat ?**

(Inatsisartunut ilaasortaq, Anthon Frederiksen, Partii Naleraq)

Tungavilersuut:

Ukunuuna apeqqutitigut siullermik paaserusuppara sunarpiaq pissutaanersoq Naalakkersuisut annertuumik innarluutillit ikiorserneqartarnerat pillugu Namminersorlutik Oqartussat nalunaarutaat nr. 8 25. juni 2014-imeersumi § 38, imm. 6-mi tiimimusiap 15 kr. –imut aalajangiunneqarsimaneranut aammalu innarluutillit qanigisaallu tamatumunnga qanoq isumaqarnersut.

Partii Naleqqamiit isumaqarpugut innarluutillit sulisinneqarnerminni tiimimusiaat eqaannerusumik qaffaavigineqartariaqartoq, taamaaliornikkut innuttaasunut innarluutilinnut qujamasunneq aammalu inuiaqatigiit sinnerisulli inuttut naleqassutsimik ersersitsisuussammat.

Aammattaaq apeqquteqaateqarnikkut tiimimusiamik qaffaasoqassagaluarpat aningaasatigut kingunissaasa qulaajarneqarnissaasa saniatigut paaserusuppara Naalakkersuisut sunik matumani inatsisitigut iliuuseqarniarnersut aammalu takorluugaqarnersut.

Ullut suliffiit qulit qaangiutinnginnerani akineqarnissara kissaatingaara.